

## Namołwa němskich biskopow k swětowej misionskej njedźeli 2023

Lube sotry a lubi bratřa,

w Němskej wopominamy 22. oktobra lětušu swětowu misionku njedźelu.

Po wšěm swěće postajeja katolscy křescenjo z tutej akciju solidarosće sylne znamjo lubosće k blišemu za sotry a bratrow we wěrje, kiž su potrěbni.

Mnohim ludžom w chudych a krizowych kónčinach je cyrkej přenja a najwažniša instanca. We wosadach a šulach, we wukubłanskich centrach a na strowotniskich stacijach nazhonjeja woni praktisku pomoc. Často su to rjadnicy, měšnicy kaž tež druge sobudźěłaćerki a druzy sobudźěłaćerjo cyrkwy, kiž su a wostanu samo w časach krizy a politiskeho njeměra na městnje. W Jězusowym naslědnistwje so woni za ludži zasadžuja. Woni hoja rany, twarja mosty, skića orientaciju, zmužitosc a móc. Jich praktiska a spirituelna podpěra změní žiwjenje.

Dary, kotrež njedźelu swětoweho misionstwa zběramy, wužiwaja za tele cyrkwinske džěto w Africe, Aziji a Oceaniskej. Wone zmóžnjeja konkretnu pomoc za ludži, na kotrychž mnozy zabywaja.

Skutkaj Missio přewjedzetej swoju lětušu akciju pod hesłom „Wy sće sól zemje“ (Mt 5,13). Tele słowo płaći za nas wšěch. Naš zhromadny nadawk je, zo smy druhim ze žórłom nadźije. Prosimy Was: Podpěrujće džěto skutkow Missio w jeju angažemenće po wšěm swěće za naše sotry a našich bratrow – hdyž so za nich zajimujeće, so za nich modliće a při zběrce njedźelu swětoweho misiona wulkomyslnje darujeće. Wutrobny džak Wam!

Drježdźany, 2. měrca 2023

Za Drježdźansko-Mišnjanske biskopstwo

+ Heinrich Timmerevers

Drježdźansko-Mišnjanski biskop